



partii naleraq

UKA 2016/025-01

30-09-2016

**Inatsisartut aalajangiiffigisassaattut siunnersuutigineqarpoq, Naalakkersuisut skatteministerimut nalunaarutigisinnaagaat, Namminersorlutik Oqartussat akuersaarmassuk Aningaasanoorutit ilaat pillugit Kalaallit Nunaannut inatsisip allanngortinneqarnissaanik siunnersuut manna, inatsisiliornikkut teknikkikkut allannguuteqartoqarsinnaavoq.**

(Aningaasaqarnermut Aatsitassanullu Naalakkersuisoq)

Inatsisartut aalajangiiffigisassaattut siunnersuutigineqarpoq, Naalakkersuisut skatteministerimut nalunaarutigisinnaagaat, Namminersorlutik Oqartussat akuersaarmassuk Aningaasanoorutit ilaat pillugit Kalaallit Nunaannut inatsisip allanngortinneqarnissaanik siunnersuutl, taannalu Partii Naleraq sinnerlugut imannak oqaaseqassuugut:

Ugguuna siunnersuutikkut aamma uppersaqqinneqarlunilu ersersinneqarpoq, nunatsinni aamma aningaasanoornermik assorujussuaq ajornartorsiuteqartugut, tassami uani aningaasanoorutit danskit spil-imut tunngasut kisimik pineqarput, qanorli bingo, bango aningaasanoorutilli allat tamaasa ataatsimut katillugit ?

Taamaammat aamma pitsaaliuineranut tunngatillugu 2017-imi naalakkersuisut immikkut aningaasaliissuteqarnerat taperserparput, aappaatigulli aningaasaliissutit ilaasa kommuninut tapiissutit appartinneqarnerisigut kommuninut akilersinniarneqarnerat assut eqqarsarnartoqartillutigu.

Taamaammat danske spil-imiit 4 mio inik isertitsissutaanerusussat pitsaaliuineranut tunngasunik attuumassuteqartunut aningaasaliissutigineqarnissaat inassutingaarput, uanilu pitsaaliuineranut inuusuttullu susassaqqartinneqarnissaannut suliniummut, Ilulissani inuit eqeersimaartut namminneq kajumissutsiminnik suliniutaannut maannamullu katillugit 40 mio kr-it missaani katersaqareersunut, tassa qulisamik arsaattarfissamut tapiissutigineqarnissaat inassutingaarput.

Taama naatsumik oqaaseqarluta siunnersuut taperserparput, suliallu aappassaanneeraneqannginnerani aningaasaqarnermut akileraartarnermullu ataatsimiititaliami suliarineqarnissaa inassutigalugu.

